



23 de outubro de 2012. O AGADER (Axencia Galega de Desenvolvemento Rural) vén de conceder as axudas a proxectos dinamizadores das áreas rurais galegas para este ano, cofinanciadas polo FEADER. De acordo co [PDR \(Plano de](#)

[Desenvolvemento Rural\) 2007-2013](#)

figuran 4,5 millóns de € destinados a

"servizos básicos para a economía e a poboación rural"

(medida 321.10). Entre os proxectos subvencionados nesta liña atopamos, entre unha pedrea de obras de "acondicionamento" e parcheado de instalacións, un investimento de

423.104,8€ en pistas de

paddle

. Curioso concepto o que a Xunta ten do desenvolvemento rural en xeral e dos "servizos básicos" para a poboación en particular. Consulta a

[listaxe completa](#)

de proxectos subvencionados.

No seu momento, ADEGA xa denunciara a [fraude das axudas europeas](#) , supostamente adicadas ao desenvolvemento rural, que a Xunta pretendía perpetrar através dun PDR cuxa tramitación destilaba escurantismo, clientelismo e mesmo chegaba a propoñer a orivatización da redacción dos instrumentos de xestión dos espazos e paisaxes protexidas, poñéndoos nas mans de madeiristas e asociacións forestais privadas.

A intención da Xunta era converter o "desenvolvemento rural sostible" nun instrumento ao servizo da súa política clientelar, e dos concellos de utilizalo como "caixa B" para realizar as obras e servizos máis variopintos. Daquela abundaban entre os propostas do PDR rotondas, paseos marítimos, bairarrúas, coches de policía, piscinas climatizadas, cámpings, reposición do parquet de polideportivos, banda ancha para estacións de esquí... etc. que eran presentadas como proxectos "sustentábeis" para o medio rural.

Agora, a Xunta vén de conceder máis de 4,5 millóns de € de fondos públicos europeos, en teoría destinados a desenvolver os servizos básicos dos que carece o noso medio rural, a fomentar iniciativas económicas para evitar o abandono, fixar poboación e dar oportunidades

aos seus habitantes (medida 321.10 do PDR 2007-2013), a unha serie de proxectos, maioritariamente "parcheo" de equipamentos, entre os que se inclúen 8 pistas de **paddle** noutros tantos concellos, por un importe de case medio millón de euros. Segundo dixera Juárez, o mundo rural está condenado a desaparecer, mais os seus habitantes farano en boa forma!